



იმისთანა წმინდა საძმომი, ბოგბილ ბეჭე-
ვური სიფყაა, ფეოლიტით და ჭბრებით ბურ-
თის გაფანა ყელა უჯარბისბაჭე უსამაგლუსია.

ბაგოდის 1918 წლის
25 ივლისიდან

რესპუბლიკა

ორშაბათი, 7 თებერვალი. 2022 წ. №21 (9359) ელ.ფოსტა: sakresp@mail.ru და sakresp@top.ge ფასი 1 ლარი

დავით აღმაშენებლის დღე

მასვილი მასიისა

26 იანვარი (ახალი სტილით 8 თებერვალი) საქართველოს დიდი პოლიტიკური მოღვაწის წმიდა მეფე დავით IV აღმაშენებლის (1073-1125 წწ.) მოხსენიების დღეა. XII საუკუნე ესაა პერიოდი, როცა საქართველო პოლიტიკურად გაერთიანდა, გამოთლიანდა და უდიდეს წარმატებას მიაღწია. ეს პერიოდი „ოქროს ხანადაა“ მიჩნეული. საქართველოს სახელმწიფო მნიშვნელოვნად გაფართოვდა – ნიკოფსიდან დარუბანამდე და ოსეთიდან არეგა-წამდე. დავით IV აღმაშენებლის მიერ გატარებული მრავალმხრივი ღონისძიებების (პოლიტიკური, ეკონომიკური, კულტურული, საეკლესიო, სამხედრო, სასამართლო და სხვ.) შედეგად საქართველო დაწინაურდა და ახლო აღმოსავლეთის უძლიერეს სახელმწიფოდ იქცა;

წოდება „აღმაშენებელი“ (ქართველი მეფეები სხვადასხვა წოდება-ეპითეტებით არიან ცნობილი: დიდი, თავდადებული, ბრწყინვალე, კისკასი, კეკელა, რეგვენი, მცირე, ავი და სხვა), საქართველოს ისტორიაში ერთადერთს – დავით IV -ს ხვდა. „...მეფესა დავითს ამისთვის ეწოდა აღმაშენებელი, რამეთუ იქმნა მეფედ, იყო ქვეყანა ესე სრულად ოხერი; ამან განავსო და აღაშენა, რომელ არღარა ეგეოდა ამით, რამეთუ იყო მოშიში და მოყვარე ღვთისა, გლახაკთა, ქვრივთა და ობოლთა მოწყალე, სნეულთა თვითმსახური, ეკლესიათა, ქსენონთა მაშენებელი“... (ბატონიშვილი ვახუშტი, აღწერა სამეფოსი საქართველოსა, ქართლის ცხოვრება, IV, თბ., 1973, გვ. 163).

ამგვარად, XI საუკუნის 80-იან წლების ბოლოს საქართველოს მოეკლინა პიროვნება (მეფე), რომელმაც შეძლო დაქსაქსული მოსახლეობის მობილილება, მომხდური მტრის დამარცხება და ქვეყნის აღმშენებლობის გზაზე დაყენება. ამას მოჰყვა დიდი გარდაქმნები, პოლიტიკური, ეკონომიკური და კულტურული აღორძინება. განსაკუთრებული მნიშვნელობა ჰქონდა ამ მაღალი განათლების მქონე მეფის მიერ გელათის აკადემიის (უნივერსიტეტის) დაარსებას (1106 წ.). ამ საქმეთა შემოქმედი დავით IV თანამედროვეებმა და შთამომავლებმა აღმაშენებლად აღიარა და წმინდანად შერაცხა; მისი ხსენების დღედ 26 იანვარი (8 თებერვალი) დაწესდა.



მეფე გეგმაზომიერად გააგარა ღონისძიებები ქვეყნის ცენტრალიზებისა და გაძლიერებისათვის: 1110 წ. აიღო სამშვილდე, 1115 წ. – რუსთავი, 1117 წ. – გიში, 1118 წ. – ციხე-ქალაქი ლორე. 1118-19 წლებში ჩამოსახლა ყივჩაღები და ლაშქარი გაზარდა.

1121 წლის 12 აგვისტოს უდიდეს გამარჯვებას („ძლევაი საკვირველი“) მიაღწია დიდგორთან – დაამარცხა მუსლიმთა ძლიერი კოალიციური ლაშქარი.

საქართველოს ძველი დედაქალაქისა და სხვა ქალაქების დამორჩილება ფაქტობრივად დიდგორის ბრძოლის გაგრძელება იყო: „შეორესა წელსა (1122 წ. – რ. მ.) აიღო მეფემან ქალაქი გფილისი, პირველსავე ომსა, ოთხას წელ ქონებული სპარსთა, და დაუპყვიდრა შვილთა თჳსთა საჭურჭლედ და სახ-

ლად თჳსად საუკუნოდ“ (ქართლის ცხოვრება, თბ., 2008, გვ. 326).

დიდგორის ბრძოლის შემდეგ თითქმის მთელი სამხრეთ კავკასიის მიწები, საერთაშორისო სავაჭრო გზები და ქალაქები საქართველოს სამღვრეუბში მოექცა. ხელისუფლება თავის რელიგიურ პოლიტიკაში ატარებდა სარწმუნოებათა თავისუფლების – რჯულთშემწყნარებლობის პრინციპს, რაც იმ პერიოდისათვის, მეგად უზვეულო მოვლენა იყო. დავით აღმაშენებელმა გაათავისუფლა შირვანი (1123 წ.) და ანისი (1124 წ.). მისმა გეგმაზომიერმა საქმიანობამ „დაამშვიდა ქვეყანა... განავსო და აღაშენა ყოველი ოხერ-ქმნილი“.

წმიდა მეფის კალამს ეკუთვნის ორიგინალური ნაწარმოები „გალობანი სინანულისანი“, რომელიც შუა საუკუნეების კულტურული, ესთეტიკური, იდეოლოგიური მრწამსის, ამასთან, ქრისტიანული საკაცობრიო სევედის გამოხატველი ძეგლია. დავით აღმაშენებლის („მეფე აფხაზთა, ქართველთა, რანთა, კახთა, სომეხთა, შირვანშა და შაჰანშა“) მიერ გატარებულმა მრავალმხრივმა ღონისძიებებმა განაპირობა წარმატებები და საქართველო საერთაშორისო მასშტაბით აღიარებულ სახელმწიფოდ აქცია.

აუცილებლად მიმაჩნია საზოგადოებას შევახსენო, რომ 2023 წელს სრულდება 950 წელი დიდი ქართველი პოლიტიკოსის, „მესიის მახვილის“, მეფეთ-მეფე წმიდა დავით IV აღმაშენებლის დაბადებიდან. დრმად მწამს, რომ ამ თარიღს ქართული საზოგადოება, ხელისუფლება და შესაბამისი უწყებები, ჩვენი მართლმადიდებელი სამოციქულო ეკლესია ღირსეულად აღნიშნავენ, ყველაფერი გაკეთდება იმისათვის, რომ დავით აღმაშენებლის იუბილე ფართოდ აღინიშნოს მთელს მსოფლიოში.

როინ მატრეველი,

საქართველოს მეცნიერებათა ეროვნული აკადემიის ვიცე-პრეზიდენტი, აკადემიკოსი

გაგოვასხალოთ 2023 წელი დავით აღმაშენებლის წლად!


საზარბაზნე სორსი

საქართველოს დამაზინანებელი პროექტები უკრაინიდან! ③

რბ დარღვევები აღმოაჩინეს ეროვნულ ①① მუზეუმში?!

ყურადღება!

ვინაიდან კოვიდპანდემიამ ისევ რთული ვითარება შექმნა რედაქციაში, ჩვენი ყოველდღიური გაზეთი, მომდევნო ერთი თვის განმავლობაში გაგოვა კვირაში სამჯერ. ბოღიზს გიხდით მცირედი შეფერხებისთვის.



გათეგაზიკის კლასიკოსი, ქართული მეცნიერების სიამაყე

რევაზ გამყრელიძე - 95

საქართველოს და რუსეთის მეცნიერებათა აკადემიების ნამდვილი წევრს, თანამედროვეობის ერთ-ერთ უდიდეს მათემატიკოსს, მათემატიკის კლასიკოსს, აკადემიკოს რევაზ გამყრელიძეს 95 წელი შეუსრულდა.

აკადემიკოსმა რევაზ გამყრელიძემ, თავის მასწავლებელთან, გენიალურ ლევ პონტრიაგინთან ერთად, მათემატიკის ახალ დარგს, მართვის ოპტიმალურ თეორიას დაუდო საფუძველი.

მართვის ოპტიმალური თეორია კლასიკური ვარიაციონალური კალკულუსის განხილვად და მისი მეთოდების გაფართოებაა. ვარიაციონალური ალგორითმის საფუძველად უდევს უმცირესი ქმედების პრინციპი, ოპტიმალური მართვის თეორიას კი პონტრიაგინის მაქსიმუმის პრინციპი, რომელიც თავიდან შიპოთების სახით იყო ჩამოყალიბებული. აკადემიკოსმა რ. გამყრელიძემ დაამტკიცა მაქსიმუმის პრინციპი მართვის წრფივი სისტემებისათვის და ააგო წრფივი სისტემების დასრულებული თეორია. რ. გამყრელიძის მიერ აგებული წრფივი თეორიამ დიდი ხნით განსაზღვრა საგნის სახე, ხოლო მისი გამჭვირვალობა და სისრულე დღემდე ნიმუშად რჩება უფრო რთული, არანრფივი სისტემების მკვლევარებისათვის, რაც უკვე კლასიკურად აღიარებულია.

რ. გამყრელიძემ შემოიღო ოპტიმიზაციის თეორიის ერთ-ერთი ძირითადი ცნება — მცოცავი ოპტიმალური რეჟიმი, რომელიც მან საფუძველად დაუდო პირველი რიგის აუცილებელი პირობების ზოგად აქსიომატურ თეორიას ოპტიმალური ამოცანებისათვის.

მონოგრაფიას, რომელშიც აისახა ოპტიმალური მართვის მათემატიკური თეორია, იმ დროის უმაღლესი ჯილდო — ლენინური პრემია მიენიჭა.

შრომათა ციკლი, რომელიც რევაზ გამყრელიძემ ალგებრულ გეომეტრიასა და ალგებრულ ტოპოლოგიაში შეასრულა, კლასიკურად აღიარებულია. მიუხედავად იმისა, რომ მათემატიკის ამ დარგების კვლევის მეთოდებმა არსებითი ევოლუცია განიცადეს, რ. გამყრელიძის მიერ კომპლექსური ალგებრული მრავალსახეობის მახასიათებელი კლასების მრავალსახეობის პროექციული ინვარიანტების საშუალებით გამოხატვა და ამ კლასების ალგებრულობის დამტკიცება

ისეთი საკითხია, რომელსაც გვერდს ვერ აუვლის დარგის ვერც ერთი სპეციალისტი.

ცალკე თემა რ. გამყრელიძის პედაგოგიური მოღვაწეობა ვ.მ. ლომონოსოვის სახელობის მოსკოვის უნივერსიტეტში, რომელიც დღემდე გრძელდება ბატონი რეზოს მრავალრიცხოვანი მოსწავლეების მეშვეობით უკვე მსოფლიოს მრავალ უნივერსიტეტსა და სამეცნიერო-სასწავლო ცენტრში, მათ შორის საქართველოშიც. უნივერსიტეტის დამთავრებისთანავე იგი ხელმძღვანელობდა ცნობილ სემინარს მოსკოვის უნივერსიტეტში და ძნელად მოიძებნება მომდევნო პერიოდის გამორჩეული მათემატიკოსი, რომელიც გარკვეული დროის განმავლობაში ამ სემინარის მონაწილე არ ყოფილიყო. სამეცნიერო სემინარის საბჭოთა კავშირის (ხოლო შემდეგ რუსეთის) მეცნიერებათა აკადემიის ვ.ა. სტეკლოვის სახელობის მათემატიკის ინსტიტუტში, რომელსაც რ. გამყრელიძე ლევ პონტრიაგინის გარდაცვალების შემდეგ, როგორც მისი სამეცნიერო მემკვიდრე ხელმძღვანელობდა, გამორჩეული იყო თავისი სტილით და აგრძელებდა სახელოვან ტრადიციებს. დარგის მსოფლიოს ყველა წამყვანი სპეციალისტი თავს ვალდებულია თვლიდა და ცდილობდა ახალი შედეგებით წარმდგარიყო დარგის ფუძემდებლის, რევაზ გამყრელიძის სემინარზე. ვისაც ერთხელ მინც მოუსმენია მისი მოხსენების ან ლექციისათვის, სპეციალისტი იქნება იგი თუ უბრალო მსმენელი, მოიხიბლებოდა ბატონი რეზოს თხრობის ელეგანტური და აზრის განვითარების ნათელი სტილით.

ოპტიმალური მართვის საფუძველის ცნობილი სახელმძღვანელო, რომელიც თბილისის სახელმწიფო უნივერსიტეტმა ორჯერ გამოსცა და რომელსაც საფუძველად დაედო თბილისის სახელმწიფო უნივერსიტეტში რ. გამყრელიძის მიერ წაკითხული ლექციათა ციკლი, ხოლო შემდეგ კი ითარგმნა ინგლისურად და გამოიცა მთელ მსოფლიოში.

რ. გამყრელიძის ფართო ხედვა მეცნიერებისადმი კიდევ ერთხელ გამოვლინდა მისი მათემატიკურ მეცნიერებათა გამოცემების მთავარ რედაქტორად მუშაობის პერიოდში. მრავალტომიანი გამოცემები მათემატიკის ყველა დარგში, რომელთა თემატიკას და ავტორებს რ. გამყრელიძე არჩევდა, საკმაოდ პოპულარული გახდა.

საქართველოს მეცნიერებათა ეროვნული აკადემია გულითადად ულოცავს სახელოვან ქართველ მეცნიერს, საქართველოს მეცნიერებათა ეროვნული აკადემიისა და რუსეთის მეცნიერებათა აკადემიის წევრს, თანამედროვეობის ერთ-ერთ უდიდეს მათემატიკოსს, პედაგოგსა და საზოგადო მოღვაწეს რევაზ გამყრელიძეს დაბადებიდან 95 წლისთავს და უსურვებს დღეგრძელობას, ბედნიერებასა და შემოქმედებით გამარჯვებებს.

გადლობა

აკად. გ. ჩაფიძის სახელობის გადაუდებელი კარდიოლოგიის ცენტრში სიკვდილს გადააპარჩინეს!

მე, 91 წლის ანა შაჩნაძემ, აკად. გ. ჩაფიძის სახ. გადაუდებელი კარდიოლოგიის ცენტრის №19 კოვიდგანყოფილებას მივმართე თვითდინებით, მძიმე ჩივილებით, სტაციონარში მოთავსების თაობაზე. სიმპტომების გამოვლენა დამენცო 21 ნოემბრიდან. აღმენიშნებოდა შემცივნება, ტემპერატურის მატება, მშრალი ხასიათის ხველა და სხვ. მდგომარეობა თანდათან უარესდებოდა — მოიმატა ხველის ინტენსივობამ, დაემატა მკვეთრი ზოგადი სისუსტე, გულისრევის შეგრძნება და სხვა მოვლენები.

ჩემი ჯანმრთელობის მდგომარეობა შეფასდა მძიმედ. ლაბორატორიულად დამიდგინეს ახალი კორონავირუსით (U-07-1) გამოწვეული დაავადება. მომათავსეს №19 კოვიდგანყოფილებაში და დაიწყო ჩემი მკურნალობა ამ მიმართულებით.

ექიმების დიდი ძალისხმევით შედეგად მდგომარეობა ნელ-ნელა უმჯობესდებოდა, თუმცა ისიც აღსანიშნავია, რომ კლინიკაში მისვლამდე გათვალისწინებული მქონდა ექიმების რჩევა აცრის აუცილებლობის შესახებ (გაკეთებული მქონდა ორი დოზა), რამაც გარკვეულწილად და მნიშვნელოვნად ხელი შეუშალა დაავადების კიდევ უფრო გართულებას და ხელი შეუწყო საშიში გართულებებისგან ჩემს დაცვას.

კლინიკიდან გამოვედი გამოჯანმრთელებული!

მადლობას ვუხდით აკად. გ. ჩაფიძის სახ. გადაუდებელი კარდიოლოგიის ცენტრის №19 კოვიდგანყოფილების მთელ პერსონალს — ექიმებსა და მომსახურე პერსონალს, ჩემს მიმართ გამოჩენილი ყურადღებისა და გულისხმიერებისთვის, რამაც ამ ასაკში საშუალება მომცა გავმკვავებოდი უაღრესად მძიმე დაავადებას.

პატივისცემით,
ანა შაჩნაძე,
91 წლის.

ყურადღება!

როგორ უნდა მოიქცას კოვიდიწინააღმდეგო, თუ ოჯახის ექიმი 48 საათში არ დაუბრუნდება?

საქართველოში კორონავირუსის შიშისგან თავდაცვას დაკავშირებით, შინაგან საჰაერო საშიშროების საზოგადოებრივი უსაფრთხოების მართვის ცენტრში მოსახლეობის მიმართული ინფორმაცია გაზრდილია. 112 მოქალაქეებისთვის განცხადებას ავრცელებს.

- „112-ში, 24 საათის განმავლობაში, 35%-მდე არამიზნობრივი და საინფორმაციო ტიპის ზარი შემოდის, რაც მუშაობას აფერხებს. გთხოვთ, გამოიჩინოთ მაღალი მოქალაქეობრივი პასუხისმგებლობა და არამიზნობრივად არ დარეკოთ 112-ზე. გადაუდებელი შემთხვევისას, შეუფერხებლად დაკავშირებისთვის 112 დაიგო სამ არხად:
 - 112 — სასწრაფო სამედიცინო გადაუდებელი დახმარება;
 - 112-1 — პოლიცია და სახანძრო სამაშველო სამსახური;
 - 112-2 — კოვიდ-19-ის ვირუსის ლაბორატორიულად დადასტურების შემთხვევაში მოქალაქეს შეუძლია დარეკოს 112-2-ზე ან დარეგისტრირდეს პორტალზე.
- 112-ის მიერ, კოვიდ-19 დადასტურებული შემთხვევები, შემდგომი მონიტორინგისთვის, გადაეცემა ოჯახის ექიმებს. თუ 48 საათის განმავლობაში არ დაეკავშირებათ ოჯახის ექიმი, შეგიძლიათ, დარეკოთ ცენტრალური ონლაინკლინიკის ცხელ ხაზზე — 1522, ხოლო კერძო დაზღვევის შემთხვევაში, თქვენი სადაზღვევო კომპანიის ცხელ ხაზზე“.



სუთი რგოლი



ჯერ არნახული, არგაგონილი

სამსახურში რაოდენობით - ცხრა სპორტსმენით ჩაება საქართველოს დელეგაცია მისთვის ზედიზედ მერვე ზამთრის ოლიმპიადაში, რომელსაც ჩინეთის დედაქალაქი მასპინძლობს.

პეკინის 24-ე თამაშებში მედლები სულ 15 სახეობაში გათამაშდება, რომელთაგანაც სამში „ჯვაროსნებიც“ ასპარეზობენ, მათი მედროშეები კი თეთრი ფორუმის გახსნის ცერემონიაზე მოთხილამურე ნინო წიკლაური (იგი მეოთხედ გახლავთ ოლიმპიელი) და ფიგურისტი მორის ყვითელაშვილი (ზედიზედ მეორედ) იყვნენ.

აღსანიშნავია, რომ ცისქვეშეთში საქართველოს წარგზავნილთაგან უმეტესობა ფიგურულ სრიალში გამოდის - 6 და რაც არანაკლებ საგულლისხმოა, ისტორიაში პირველად ისინი ოთხივე კატეგორიაში ცდიან ძალებს, რამაც ავტომატურად გუნდური ტურნირის 10 რჩეული ნაკრების

დავაში მოგვცა მაქსიმუმ მედლებისთვის და მიწის ფინალურ სუთულში გასასვლელად ბრძოლის საშუალება. უნდა ითქვას, რომ ჯერჯერობით სასაყვედურო არაფერი გვაქვს, რაშიც სასტარტო დღეს მოკლე პროგრამით სრიალის შემდეგ შექმნილი ვითარებაც დაგარანძმუნებთ:

ვაჟები - მორის ყვითელაშვილი - მეოთხე ადგილი;

წყვილები - კარინა საფინა, ლაშა ბერულავა - მეექვსე ადგილი;

ყინულზე ცეკვა - მარია კაზაკოვა, გიორგი რევია - მერვე ადგილი.

ასე რომ, ანასტასია გუბანოვას დებიუტამდე ჩვენი გუნდი მე-7 პოზიციას იკავებდა და თავისუფალი პროგრამით სრიალის შანსს ინარჩუნებდა. მართალია, ჩვენმა იმედმა შესანიშნავად იასპარეზა და მეოთხე შედეგი აჩვენა, მაგრამ სანუკვარ სუთულში მოსახვედრად მცირედი დავაკლდა და მეექვსე ადგილი დავიკავეთ.

გაუნწყებთ აგრეთვე, რომ სვალ დაინყება და 19 თებერვალს დასრულდება ინდივიდუალური ტურნირი, სადაც მედლების 4 კომპლექტი გათამაშდება. გუშინ და გუშინ ოლიმპიურ ტრასაზე მოციგავე საბა ქუმარიაშვილი დაეშვა...

3 წლის შიდა

კვლავას აფასებენ

სამსახურში უფლებამოსილების სამწლიანი შეჩერების შემდეგ საყვარელ საქმეს დაუბრუნდნენ ქართველი საერთაშორისო კატეგორიის არბიტრები - ზაზა მჭედლიძე და დავით სახვაძე, რომლებმაც, შესაბამისად, ბულგარულ პლოვდივში გამართულ მოხმალავეთა მსოფლიოს თასის გათამაშების ეტაპზე და ყატარის დედაქალაქ დოჰაში მოწყობილ დაშნით მოფარისკავეთა გრან-პრიზე გაიხსენეს პროფესიული მოწოდების გემო.

მათ ფორსმაჟორულ ვითარებაში შეძლეს ურთულესი გამოცდის წარმატებით ჩაბარება: კოვიდპანდემიის გამო უშუალოდ სტარტის წინ აღნიშნულ ტურნირებს ოთხ-ოთხი რეფერი გამოაკლდა და ვინაიდან დავირუსებულთა შეცვლა ვეღარ შესრებოდა, მათი ფუნქციები დანარჩენებმა გადაიხარინა.

საბოლოოდ მჭედლიძე სამ დღეში 30-მდე შეხვედრას გაუძღვა, მათ შორის ნახევარფინალსა და ბრძოლას ბრინჯაოს მედლისთვის, ხოლო მისი ასევე თბილისელი კოლეგა - ოცზე მეტ მატჩს ვაჟთა ერთ-ერთი ნახევარფინალის ჩათვლით, სატიტულო დუელში კი ვიდეორეფერის მისია ანდეს.

ამ დღეებში სახვაძე კიევში იუნიატორთა მსოფლიოს თასის ეტაპზე მინვეული უკრაინელ მუშკეტერთა ფედერაციის მიერ, ხოლო ბატონი ზაზა მსგავს ასპარეზობას პლოვდივშივე ემსახურება.



რატომაც არა?

პოქრობთ, ღირსია

ჯაბა კანკაშვას ჯერაც არ შეხორცილება რამდენიმე თვის წინათ დედის დაკარგვით გაჩენილი მოუშუშებელი იარა, ამიტომ საესეებით შესაძლებელია სანაკრებო კარიერის დასრულება ფსიქოლოგიურმა სტრესმა დააჩქარებინა.

ვეთანხმებით თუ არა, ეს მისი პირადი გადანივებები და პატივიც უნდა ვცეთ, მით უმეტეს საუბარია „ჯვაროსანთა“ გამორჩეულ კაპიტანთაგანზე, კარიერას დამოუკიდებელი სამშობლოს მთავარი გუნდის მაისურით გამართული 100 მატჩი რომ უმშვენებს სფფ-ის თავკაც ლევან კობიაშვილის მსგავსად.

დაგვეთანხმებით, ქართული ფეხბურთიდან ბევრი წახულა გულნატკენი, მაღლიერებით აღვსილი ერთი სტრიქონიც რომ არ ღირსება - დანყებული საკავშირო ჩემპიონატებიდან და, სამწუხაროდ, გავრძელებული ჯერ შინდისფერი, ხოლო შემდეგ სუთჯვრიანი ეროვნული დროშის ფრიალის პათეტიკური პერიოდის წლებში, ამიტომ, ვფიქრობთ, მოვიდა დრო, დაიმსხვრეს აღნიშნული უმადურობით დამუხტული ტრადიცია და, ისევე, როგორც კახი კალაძეს, მის ღირსეულ მემკვიდრესაც ვაჩუქეთ თუნ-



დაც ნაკლებად მასშტაბური, კოვიდრეგულაციების სრული დაცვით მოსაწყობი დაუვიწყარი საღამო, რომელიც მცირედით მაინც დაუამებს წერილის დასაწყისში ნახსენებ დაუმსახურებელ ტკივილს და, ვინ იცის, იქნებ დასახლებული გადანივებილებაც შეაცვლევინოს - სპორტის ისტორიას ხომ არაერთი მსგავსი მაგალითი ახსოვს.

დიახ, საბჭოთა ეპოქის დიდ კაპიტანთა უმრავლესობაზე რომ არაფერი ვთქვათ, რა დააშავეს კახა ცხადაძემ ან გიორგი ნემსაძემ ისეთი, რომ სანუკვარი

სამკლავურის მომავალ კოლეგათვის საზეიმოდ გადაუცემლად დაემშვიდობნენ ისედაც ხანმოკლე კარიერის მარადიულ ღირებულებას, საქართველოს ეროვნული ნაკრები რომ შქვია? არაფერი - პირიქით, თუ სიმართლე გნებავთ, სჯობს გვიან, ვიდრე არასდროსო - ხომ გახსოვთ?

ჰოდა, ამ სიმბოლური, მაგრამ უზარმაზარი დატვირთვის მქონე ნაბიჯის გადადგმა, სათანადო ნების შემთხვევაში, უახლოეს მომავალშიც შეიძლება. გული გულობდეს და...

ეოკლედ

ფუტსალი. ევროპის ჩემპიონატი. ნახევარფინალი. რუსეთი - უკრაინა 3:2, პორტუგალია - ესპანეთი 3:2.

ფინალური. ინგლისის ჩემპიონშიფი. „პალი“ - „პრესტონი“ 0:1. აფრიკის ეროვნებათა თასი. ნახევარფინალი. სენეგალი - ბურკინა ფასო 3:1. ეგვიპტე - კამერუნი 3:1 (პენალტებით. ძირითადი და დამატებითი დრო - 0:0). მატჩი მესამე ადგილისთვის. კამერუნი-ბურკინა ფასო 5:3 (პენალტებით. ძირითადი და დამატებითი დრო - 3:3).

რაზბი მემობი. საქართველო-პორტუგალია 25:25.

ძიუდო. პარიზის გრანდ სლემი. „ოქრო“ - ლაშა შავდათუაშვილი (73 კგ); „ბრინჯაო“ - ჯაბა პაპინაშვილი (60 კგ), ვაჟა მარგველაშვილი (66 კგ).



ნომინანტები

მართლაც, 2021 წელი უკვე თვეზე მეტია, რაც გავაცილეთ, მაგრამ LAUREUS-ის პრესტიჟულმა სპორტულმა აკადემიამ განვლილი სეზონის ტრადიციულ კატეგორიათა ნომინანტები ამ დღეებში დაასახნა, ლაურეატებს კი გაზაფხულზე გამოავლენს.

რჩეულთა უმეტესობისთვის მსგავსი პატივი ალალია, მაგრამ, როგორც ყოველთვის, ვხვდებით ისეთ კანდიდატურებსაც, რომელთა აღიარებაც, რბილად რომ ვთქვათ, სადავოა.

საუკეთესო მამაკაცი: ჯოკოვიჩი (სერბეთი, ჩოგბურთი), დრესელი (აშშ, ცურვა), კიპროგე (კენია, მძლეოსნობა), ფერსტაპენი (ნიდერლანდები, ფორმულა-1), ლევანდოვსკი (პოლონეთი, ფეხბურთი), ბრეიდი (აშშ, ამერიკული ფეხბურთი).

საუკეთესო ქალი: პუტელიასი (ესპანეთი, ფეხბურთი), ფელიქსი (აშშ, მძლეოსნობა), ტომპსონი (იამაიკა, მძლეოსნობა), ბარტი (ავსტრალია, ჩოგბურთი), მაკკონი (ავსტრალია, ცურვა), ლედეკი (აშშ, ცურვა);

საუკეთესო გუნდი: ბარსელონა (ფეხბურთი, ქალები), მერსედესი (ფორმულა-1), არგენტინის ნაკრები (ფეხბურთი), მილუოკი ბაქსი (კალათბურთი, ნბა), ჩინეთის ნაკრები (წყალში სტო-

სჯობს გვიან...



მა), იტალიის ნაკრები (ფეხბურთი);

წლის გარღვევა: მედევევი (რუსეთი, ჩოგბურთი), რადუკანუ (დიდი ბრიტანეთი, ჩოგბურთი), ტიტმუსი (ავსტრალია, ცურვა), ჩოპრა (ინდოეთი, მძლეოსნობა), პედრი (ესპანეთი, ფეხბურთი), როხასი (ვენესუელა, მძლეოსნობა).

